

KJP Centar „Skenderija“ d.o.o. Sarajevo
Terezija bb; 71000 Sarajevo

Broj: 4896/16
Datum: 28.9.16.

Na osnovu člana 24. (a) člana 18 i člana 28 Zakona o javnim nabavkama BiH („Službeni glasnik BiH“ br. 39/14) i člana 46.(e) Pravilnika KJP Centra „Skenderija“ d.o.o. Sarajevo, Terezija b.b. 71000 Sarajevo, direktor preduzeća donisi:

ODLUKU

o pokretanju javne nabavke izvođenje dodatnih radova koji nisu uključeni u prvobitni projekat sanacije i rekonstrukciji centralnog platoa Komplexa Centar Skenderija putem pregovaračkog postupak bez objave obavještenja

Član 1.

Za potrebe KJP Centra „Skenderija“ d.o.o. Sarajevo pokereće se javna nabavka izvođenje dodatnih radova koji nisu uključeni u prvobitni projekat sanacije i rekonstrukciji centralnog platoa Komplexa Centar Skenderija putem pregovaračkog postupak bez objave obavještenja, u roku od 10 dana od dana donošenja ove odluke.

Član 2.

Javna nabavka iz člana 1. ove odluke utvrđena je odlukom broj: 4878/16 od 28.09.2016. godine, u skladu sa odredbama člana 24. (a) Zakona o javnim nabavkama.

Član 3.

Vrijednost nabavke dodatnih radova sadržana je u ukupnoj vrijednosti osnovnog ugovora br: 679/16 od 08.07.2016.god. od 904.788,81 KM bez uključenog PDV-a.

Sredstva za izvršenje svih ugovornih obaveza, nakon sprovedenog postupka javne nabavke, obezbijedena su iz sredstava koje doznači kanton Sarajevo iz kredita Razvojne banke FBiH.

Član 4.

Rok za provođenje postupka javne nabavke je 2 (dva) dana. U provođenju predmetnog postupka ugovorni organ će se pridržavati zahtjeva iz člana 28.ZJN.

Član 5.

Stalna komisija za provođenje postupka javnih nabavki će provesti postupak javne nabavke i predložiti zaključenje ugovora sa najpovoljnijim ponuđačem na osnovu kriterijuma najniža cijena.

Član 6.

Ova odluka stupa na snagu danom donošenja.

Obrazloženje:

Ugovorni organ ima potrebu za nabavkom dodatnih radova na sanaciji i rekonstrukciji centralnog platoa Komplexa Centar Skenderija. Naime, ugovorni organ je donio odluku o pokretanju postupka javne nabavke radova za sanaciju i rekonstrukciju Centralnog platoa Komplexa Centar Skenderija, putem otvorenog postupka.

Nakon provedenog postupka, ugovor o javnoj nabavci radova zaključen je dana 08.07.2016 godine sa najpovoljnijim ponuđačem Unigradnja d.d. Sarajevo kao izvođačem.

U toku izvođenja radova pojavila se potreba za dodatnim radovima usljed nepredviđenih okolnosti koje se ogledaju u promjeni debljine projektovanih slojeva, a koje neće povećati postojeće opterećenje što je uočeno nakon početka radova i skidanja završnih slojeva na dijelu platoa. Izvođač radova uradio je 12 iskopa i napravio geodetski snimak sa kotama završnih ploča i kotama repanol hidroizolacije. Tom prilikom je na manjim površinama cca 10x10 cm izrezan repanol i iskopan asfalt i utvrđene su visine do konstruktivne AB ploče. Zaključak je da zbog male visine na centralnom platou od 26,5 cm, a kako bi se adekvatno riješili padovi prema kanalima za odvodnju oborinske vode potrebno je uraditi izmjenu projektnog rješenja. Predloženim izmjenama dobit će se kvalitetnije rješenje jer će se na cijeloj površini uraditi nova hidroizolacija i bolje riješiti oborinske vode sa cijelog platoa, a neće se povećati ugovoreni iznos radova.

Izvještaj broj : 4333/16 od 23.08.2016 godine, projektanta sanacije i rekonstrukcije centralnog platoa Komplexa Skenderija, Fullhouse Desing d.o.o je sastavni dio ove odluke

Izmjenom projektnog rješenja na centralnom dijelu platoa Komplexa Centar Skenderija gdje se skidaju svi slojevi stvorili su se uslovi da se uradi nova šema kanala za odvodnju oborinske vode: Projektno rješenje projektant je Ugovornom organu dostavio dopisom broj 4679/16 od 15.09.2016 godine.

Zavod za izgradnju Kantona Sarajevo u svojstvu Nadzornog organa je analizirajući prvo i drugo projektno rješenje projektanta Fullhouse Desing d.o.o u Obrazloženju broj 4807/16 od 22.08.2016 godine je dao svoju saglasnost i utvrdio da: „Novim projektnim rješenjem došlo je do određenih korekcija ugovorenih količina osnovnog ugovora. Korigovani predmjer osnovnog ugovora dostavljamo u prilogu, te molimo da u skladu sa Zakonom o javnim nabavkama provedete proceduru potrebnu za pripremu i potpis dopunskog ugovora, kako bi se radovi mogli ubrzati“, navedeno obrazloženje je sastavni dio odluke.

Projektant je na osnovu novonastale situacije dostavio novi predmjer i predračun u koji je uključio sve manjkove radova iz osnovnog ugovora i dodatne radove čiji zbir neće preći ugovorenu vrijednost iz osnovnog ugovora u iznosu od 904.788,81 KM.

Obzirom da je osnovnim ugovorom regulisan način plaćanja, na način da su sredstva obezbjeđenja iz sredstava koje doznači Kanton Sarajevo Ugovornom organu iz kredita Razvojne banke ugovor koji se sklopi nakon pregovaračkog postupka nije moguće ekonomski odvojiti od osnovnog ugovora. Ukupna i kumulativna vrijednost radova po novom predmjeru radova koji je uključio sve manjkove radova iz osnovnog ugovora i dodatnih radova po konačnoj ponudi ponuđača Unigradnja d.d Sarajevo ostaje u okviru sume ugovorene osnovnim ugovorom i način plaćanja će se izvršiti kako je regulisano osnovnim ugovorom.

Navedeni dodatni radovi nisu specificirani projektom, tako da nisu mogli biti specificirani niti tenderskom dokumentacijom za osnovni ugovor.

Navedeni dodatni radovi su neophodni za dalji nastavak radova po osnovnom ugovoru i za izvođenja radova u skladu sa pravilima struke i propisima.

Uzevši u obzir navedeno direktor je donio odluku kao u dispozitivu.



Dostavljeno:

- SKP
- SPKOP
- STP
- Interna revizija
- Stalna komisija
- A/a